

Edizione diplomatico-interpretativa

En peirols	En Peirols
I	I
Tuit cil qem pregon qieu chan. uol gran saubesson lo uer. sieu (n)ai aize ni lezer. chantes qi chantar uolria. queu no(n) sai ni chan ni uia. pos p(er)dei ma beneanza. p(er) ma mala destina(n)za	Tuit cil que·m pregon q?ieu chan, volgran saubesson lo ver, s?ieu n?ai aize ni lezer. Chantes qi chantar volria! Q?eu no·n sai ni chan ni via, pos perdei ma beneanza per ma mala destinanza.
II	II
Ai las con muer de talan. queu nom dorm mati ni ser. anz la nueg can uauc iazer. lo rossigniols chante cria (et) ieu qi chantar solia. muer de(n)uei e de pezansa. cant aug ioi ni alegranza.	Ai, las! Con muer de talan! Q?eu nom dorm mati ni ser, anz la nueg, can vauc iazer, lo rossigniols chant?e cria, et ieu, qi chantar solia, muer d?envei e de pezansa, cant aug ioi ni alegranza.
III	III
Amors beus iec amondan cautre pronoï pueſc auer. ia mais baizar ni tener. nous qier cadoncs uos p(er)dria. ben es fols qin uos se fia. cab uoſtra bella ſemblaſta maues trag ſes desfianza.	Amors, be·us iec a mon dan, c?autre pro no i pueſc aver. Ia mais baizar ni tener no·us qier, c?adoncs vos perdria. Ben es fols q?n vos se fia, c?ab voſtra bella ſemblaſta m?aves trag ſes desfianza.
IV	IV
Damors uos pueſc ieu dir aitan. qi ben la pogues auer. res non la pogra ualer certas mout fon bon amia. mas nom duret mas cun dia. per qels fols qi ſes fermañza. met en amor ſeſp(er)anza.	D?amors vos pueſc ieu dir aitan: qi ben la pogues aver, res non la pogra valer. Certas mout fon bona mia! Mas no·m duret mas c?un dia, per q?e·ls fols qi ſes fermañza met en amor s?esperanza.

V	V
Lemozi a deu coman. leis qi nom uol retener. oi mais pot il ben saber. qe uers es so q(ue)il dizia. qen terrestragna niria. pos dieus ni fez ni fianza nomi ual ni acordanza.	Lemozi, a Deu coman leis qi no·m vol retener, oimais pot il ben saber qe vers es so que·il dizia, q?en terr?estragna n?iria, pos Dieus ni fez ni fianza no mi val, ni acordanza.

- letto 375 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatico-interpretativa-1553>